



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæstio 1. Vtrum Deus sit æternus.

[urn:nbn:de:hbz:466:1-76990](https://nbn-resolving.de/urn:nbn:de:hbz:466:1-76990)

quæ potuit heri , si hodie eadē virtute , adiumentis , & circumstantijs instructum sit , quibus fuit heri : eademque pariter nulli determinato tempori affixa potuisse illud sub eadē circumstantiarum peritatis in singulis diebus præteritis sumptis seorsim ; foreque , vt possit itidem in singulis subsequendis . Atque similiter de similibus in vniuersum philosophandum esse , ad casus item specialioribus descendendo , quos sub hac generali regulâ comprehendendis sic modò fuerit . Cetera , quæ ad rem spectant , discri menque , quod ad rem attinet , repertum inter ens existens in pluribus temporibus , & ens existens in pluribus locis supra disput. 5. quæst. 14. vi denda sunt .



DISPUTATIO IX.

De æternitate Dei.

Ex dictis disput. 8. de tempore , & dura tione rerum in vniuersum non exiguum deriuabitur lumen ad melius intelligen da ea , quæ de æternitate diuinâ dicenda sequuntur in praesenti disputatione .

QUAESTIO I.

Virum Deus sit æternus .

Hoc adiectivum *æternus* , *æterna* , *æternum* bifariam accipitur . Primo propriè , & strictè pro habente durationem infinitam sive correspondentem tempori infinito aut à parte ante , aut à parte post , aut ab utraque . Secundo impropriè , & latè , sive hyperbolice pro habente durationem valde diuturnam , seu longinquam . Quibus etiam duobus modis accipiuntur hæ particula ab aeterno , & in aeternum . Nam prior in significatione propriâ , & strictâ significat durationem infinitam à parte ante , atque adeò principio carentem ; & posterior durationem infinitam à parte post , atque adeò carentem fine . In significatione autem impropriâ , & latâ prior signifikat durationem valde longam à parte ante ; tametsi principium habuerit : & posterior durationem valde longam à parte post ; tametsi sit habitura finem . Ut enim iuxta communem lo queudi morem sœpe per quandam hyperboleum dicitur infinitum esse id , quod in suo genere valde magnum , aut longum est . Sic etiam per quandam hyperbolam dicitur sœpe æternum esse id , quod in sua duratione est valde diuturnum . Et in posteriori quidem sensu lato , hyperbolico , & improprio sœpe particula predicta accipiuntur in sacris litteris . Dicitur enim Genes. 17. *Daboque tibi , & semini tuo terram peregrinationis tuae , omnem terram Chana an in possessionem æternam .* Et Iosue 14. *Terra , quam calcavit per tuus , erit possessio tua , & filiorum tuorum in aeternum .* Cum tamen eiusmodi possessiones finem haberint . Leuit. autem 25.

dicitur de servis aduentitijs , *Et hereditario iure transmittetis ad posteros , ac possidebitis in aeternum .* Et Deuter. 15. *de seruo emptito , Et seruiet tibi usque in aeternum .* Cum tamen huicmodi seruorum possesso , & seruitus finienda proculdubio in tempore erat . Sæpeque alibi habentur similia . Frequentius tamen dictæ particula in priori sensu proprio , & stricto usurpantur in sacra Scripturâ . Qualem circa omne dubium habent loca sequentia Math. 25. *Dicidite à me maledicti in ignem aeternum . & infra , Et ibihi bi in supplicium aeternum . Iusti autem in vitam aeternam .* Ioan. 6. *Si quis manducaverit ex hoc pane , vivet in aeternum . & rursus , Qui manducat hunc panem vivet in aeternum .* Actor. 18. *Et crediderunt , quotquot erant præordinati ad vitam aeternam 2. ad Corint. 4. Id enim , quod in praesenti est momentaneum , &c. aeternum gloria pondus operatur in nobis &c. Que enim videntur temporalia sunt ; quæ autem non videntur aeterna .* Et alia huiuscmodi sexcenta præter ea , quæ subiiciemus postmodum .

Propositio I.

De fide est , Deum omnino æternum . ² esse , atque adeò nec principium aliquando habuisse ; nec finem aliquando fore habitu ram existentiam eius .

Id enim testantur passim sacrae Scripturæ . Dicitur namque Genet. 21. *Nomen Domini Dei aeterni .* Exod. 15. *Dominus regnabit in aeternum , & ultra .* Deuter. 32. *Vivo ego in aeternum , Tobia 13. Magnus es Domine in aeternum ; & in omnia secula regnum tuum .* Psal. 9. *Dominus in aeternum permanet , & infra , Dominus regnabit in aeternum , & in seculum seculi .* Psal. 47. *Quoniam hic est Deus noster in aeternum , & in seculum seculi : ipse reger nos in secula .* Psal. 102. *Misericordia autem Domini ab aeterno , & usque in aeternum super timentes eum .* Prover. 8. *Ab aeterno ordinata sum , & ex antiquis antequam terra fieret .* (Sermo est de Sapientia à Deo indistincta) . Ecclæsticæ 18. *Qui vivit in aeternum , creavit omnia simul .* Isaia 40. *Deus sempiternus Dominus , & cap. 57. Excelsus , & sublimis habitans aeternitatem .* Micheas 5. *Egressus eius ab initio , ab itineribus aeternitatis eius .* (Sermo est de processione Verbi æternæ) Baruch. 4. *Exaceruasti eum , qui fecit vos , Deum aeternum .* Ad Roman. 16. *Præceptum aeterni Dei .* Similiaque alibi sapissime . Nec dicat quipiam , eiusmodi loca de aeternitate impropriè , & latè sumptù pro duratione valde diuturna , tametsi finita , intelligi posse . Hoc namque dicere , nefas esset . Tum quia verba sacra Scriptura præsertim toties repetita in sensu maximè proprio accipienda sunt , quando ex tali acceptio ne nullum absurdum sequitur . Vti euidenter euenit in praesenti . Tum quia prædicta loca de aeternitate propriè sumptù pro duratione infinita intellecta semper sunt ab omnibus Patribus , & ab vniuersa Ecclesiâ catholicâ . Tum denique quia sacra Scriptura , vt omnem ambiguitatem excluderet , per alia sœpe verba ab omni ambiguitate prorsus immunita talen Dei aeternitatem strictam , & propriam , omninoque subinde infinitam adstruxit , vt cernere est Tobia 9. à Deo Israel , qui regnat in secula seculorum . Psal. 89. *Principium montes fierent , aut formaretur terra & orbis , à seculo , & usque in seculum tu es Deus .* Psal. 101. *Tu*

aeternum

autem idem ipse es, & anni tui non deficiunt. Psal. 73. Deus autem Rex noster ante secula, Psal. 144. Regnum tuum regnum omnium seculorum. Daniel. 6. ipse est enim Deus vivens, & aeternus in secula; & regnum eius non dissipabitur; & potestas eius usque in eternum. Ac denique in Epist. Iude. Soli Deo Salvatori nostro per Iesum Christum Domini nunc nostrum gloria, & magnificientia, imperium, & potestas ante omne seculum, & nunc, & in omnia secula seculorum. Similique non paucahabentur aliis in locis.

3. Deinde constat propositio ex definitione Concilij Lateranensis lib. Leone 3. quæ habetur in cap. Firmata de summa Trinit. & Fide cathol. ubi dicitur, *Vnus solus est verus Deus aeternus.* Et ex Symbolo Athanasij. *Aeternus Pater, aeternus Filius, aeternus Spiritus sanctus;* & tamen non tres aeterni, sed unus aeternus. Constat item, semperque constitutus ex unanimi consensu omnium Patrum, omniumque totius Ecclesie fidelium illam tenentium, & passim confessantium, adeo, ut superuacaneum fuerit, alicuius testimonium in medium proferre,

4. Imo in eamdem veritatem catholicam Philosophi ethnici naturali rationis lumine ducti communiter conseruerunt. Quocirca Boet. lib. 5. de consolat. prof. vlt. dixit, *Deum esse aeternum, cunctorum ratione degentium commune est iudicium.* Placuisse apud Arist. lib. de Mundo in fine testatur, passim Antiquos docuisse, Deum aeternum esse. Id quod loquens de Ioue cecinit Orpheus apud Eusebium lib. de preparat. euang. cap. 3. Prolatumque est ab Apolline Delphico teste Porphyrio in lib. de responsis his verbis, *Erat Iupiter, nunc est, & erit.* Idemque docuerunt Mercurius in Asclep. Parmenides, & Melissus apud Simplicium lib. 1. Phys. com. 18. & Arist. lib. 12. Metaph. Quare hieroglyphico circuli, utrum principio, & fine carentis, Deum significabat Antiquitas, ut norant Valerian. lib. 39. & alii. Vnde iure irrider Chrysostom. homil. 1. in cap. 1. Ioan. eos Idolatras, qui iuos Deos temporaneos, alioisque alijs seniores, alios iuniores esse, fingeant.

Propositio 2.

5. Deum omnino aeternum esse ratio naturalis demonstrat.

Esse enim Deum aeternum à parte ante, atque adeo semper sine principio extitisse, seu, quod in ideam recidi, non incepisse existere in tempore, euidentissime inferitur ex predicato, quod habet, ens à se. Cum euidentissimum sit ex una parte, non posse quidquam incipere, existere in tempore, quin accipiat denuo ab aliquo existentiam, quam antea non habebat; ex alia vero, non posse illud à se ipso existentiam accipere, à se ipso transiendo de non existente ad existens. Vnde clarissime consequitur, Deum eo ipso, quod habet existentiam à se, nullatenus posse illam in aliquo tempore, de non existente ad existentem transiendo, accepisse, sed necessario semper, & in omni tempore antecedente, & absque principio habuisse. Quod ipsum est, à parte ante Deum aeternum esse.

6. Quod autem Deus etiam à parte post sit aeternus, ita, ut impossibile sit, eum in aliquo tempore desicere, seu desinere existere, non, adeo immediate demonstratur ex predicato di-

uino entis à se: quia non adeo immediate apparet ex terminis ipsis, non posse desicere, ut apparet, non posse incipere id, quod haber existentiam à se. Venit tamen demonstrandum, immediate ex predicato unica causa prima, quod euidenter habet Deus iuxta demonstrationes factas supra disput. 1. faciendaque infra disput. 12. Etenim euidenter est impossibile, ut id, quod existit, successu temporis desiccat alter, quam vel per defectum conseruationis sui oriundam ab aliquâ causâ; vel per aduentum alienius seu positivi, seu negativi incompatibilis cum ipso; cuius subinde contradictionem ad ipsius perseverantiam in existendo omnino requisitum erat. Euidenter quippe est, defectum rei iam existentes aliunde, quam ex his duobus capitibus, eveneri non posse successum temporis. Sed Deus ex defectu conseruationis sui ab aliquâ causâ desiccare non potest; cum titulo causa prima à nullâ causâ conferuerit, sed à se ipso sit circa omnem sui causationem conseruationem. Neque desiccare potest propter aduentum alicuius secum incompatibilis: quia titulo etiam unica causa prima eius effectus aliquo modo necessario esse debet, quidquid potest quoquo modo eveneri successu temporis; euidentissimeque repugnat, ut effectus cum sua causâ, à qua dependet, incompatibilis sit. Igitur Deus titulo unica causa prima necundum potest successum temporis desiccare ab existentiâ, quam habet. Necessarioque prouinde est aeternus à parte post. Quod erat demonstrandum.

Secundò ostendenda venit eadem veritas ex infinite, quam Deus necessariò haber quoad omnes suas perfectiones intra proprium uniuscuiusque earum genus, prout demonstrabitur inferius disput. 14. Cum enim duratio Dei inquisitum tempore perfectio sit sine imperfectione, atque adeo necessario conueniens Deo iuxta dicenda etiam inferius disput. 16. non potest non ea intra proprium genus esse infinita, ac proinde toti temporis, quod imaginarium appellant, utrunque infinito correspondens, ut argueamus in simili supra disput. 6. quæst. 1. proprie. 1. Quod ipsum est, non posse non Deum à tali sua duracione euadere aeternum à parte ante, & à parte post, atque adeo omnino, ut propositione nostra fert.

Tertiò ostenditur idem ipsum consentaneè etiam ad dicta in simili loco citato. Quia Deus titulo entis existentis non potest non esse existens in aliquo tempore iuxta doctrinam statutam disput. 8. quæst. 6. Sed non est, cur existit potius in hoc, aut in illo tempore finito, quam in ceteris omnibus, ut ex se, & ex ibi dicit in simili conspicuum est. Igitur in omnibus omnino, atque adeo ab aeterno, & in aeternum existens est. Cum nullum sit excogitabile tempus finitum, (sicilic imaginarium, de quo in praesenti est semper sermo), ante quod aliud non sit praeteritum, nullum, post quod aliud non sit futurum, integraque subinde huiusmodi temporum, seu partium temporis multitudo necessariò sit utrunque infinita, hoc est à parte ante, & à parte post, ut est notum.

Quarto. Quia nulla omnino est pars totius temporis imaginarii utrunque infiniti, in qua Deus non possit existere. Ergo nulla est, in qua de facto non existat, extiterit, aut sit extensus. Antecedens ex terminis ipsis videtur euidentis: cum sit euidentis, Deus in aliqua tempo-

ris parte existere posse, nec sit, cur in hac, aut in illa potius, quam in ceteris omnibus, possit existere iuxta nuper dicta. Et declarari potest amplius, ac confirmari; quia, cum omnis pars temporis vtrinque infiniti capacitas quedam sit alicuius durationis, creaturæ potentis in illa existere, siue durare iuxta doctrinam stabilitam disput. 8. quæst. 2. si in aliquâ talis temporis parte Deus non posset existere, in aliquâ posset existere creatura, in qua creator ipsius non posset existere. Quod planè absurdum est. Et quidem cùm nulla sit pars dicti temporis, in qua non possit durare quavis creatura eorum, quæ indistincte sunt ad durandum in qualibet; (cuiusmodi haud dubie sunt plerique iuxta dicta etiam ibidem); consequenter est evidens, nullam esse partem dicti temporis, in qua Deus durare non posset. Iam vero consequentia primi enthymematis inde manifestè probatur: quia si Deus in omni dicti temporis parte potens existere, in aliqua de facto non existere, de esse ad non esse existentiale, vel de non esse ad esse de facto manifestè transiret. Sicque non solum secundum accidens durationis, sed etiam secundum substantiam successus temporis mutaretur. Quod quām sit ei repugnans, tum ex dictis disput. 7. tum ex argumento primo loco in præsenti factio evidenter est notum.

10 Quintò. Quia Deus per suam essentiam est præsens in omni spatio locali; atque ita vndequeque immensus; ut supra disput. 6. monstratum est. Igitur & per suam essentiam est, fuit, & erit existens in omni spatio temporali, atque ita æternus vtrinque. Nulla quippe in Deo, quod ad rem attinet, congrua disparitas reddi potest, ut constat.

11 Sextò. Quia, debitam esse alicui enti durationem continuatam per longum tempus, planè præfert perfectionem ab omni imperfectione immunem: cōquæ maiorem arguit entitatiuam perfectionem ipsius entis, quod talis duratio longior est, & quo strictiori iure ipsi est debita. Ergo, cùm perfectione entitatiuæ Dei omnimodis sit infinita, imo & in se continens aut formulariter, aut eminenter omnem omnino excogitabilem perfectionem iuxta infra disput. 16. dicenda; non potest non esse Deo debita iure omnimodis stricto, necessario, & essentiali duratio per totum tempus excogitabile vtrinque infinitum. Quod est, non posse non Deum esse æternum à parte ante, & à parte post.

12 Septimò. Quia certissimum iuxta, atque evidensissimum est ex demonstratis disput. 1. & 7. Deum aliquando existere, atque adeò in aliquo tempore durare. Ergo certissimum quoque, & evidens censendum est, Deum semper existere, atque adeò in omni tempore vtrinque infinito durare, æternumque subinde esse à parte ante, & à parte post. Probo consequentiam. Quia, cùm Deus non per durationem superadditam; (persecetur namque ab extrinseco; quod ei planè repugnat); sed per se ipsum existat, in quoconque tempore existit; neque aliter ipsius essentia cum vna temporis parte, quām cum reliquis omnibus sit comparabilis, ut ex se constat; hoc ipso, quod existit in aliqua, existere illum in omnibus, atque adeò ab æterno, & in æternum, necessariò dicendum est.

13 Octauo. Quia ad perfectionem vnitatis diuinæ inferius disput. 12. stabilienda pertinet

æternitas Dei. At vnitati diuina nihil perfectionis propriæ ipsi deesse potest. Ergo Deus necessariò est æternus. Consequentia est bona. Et minor certissima iuxta dicta in simili supra disput. 6. quæst. 1. Probo ergo maiorem, prout etiam in simili ibidem. Quia vnitas Dei in essentiali ipsius oppositione quoad existentiam, cum altero Deo fundatur. Hac autem oppositio validior ad excludendum alterum Deum ab omni tempore, atque adeò perfectior erit, si Deus in omni tempore existat, quām, si dumtaxat, existaret in uno, vel altero, ut ex se constat. Ergo, &c.

Nonò. Quia strictior est, intimiorque 14 connexion, quam quavis creatura habet cum Deo, connexione durationis creatæ cum suo subiecto durante. Sed est impossibile, quod duratio sit tempore dissita à suo subiecto durante iuxta doctrinam statutam disput. 8. Ergo etiam est impossibile, quod aliqua creatura sit dissita tempore à Deo. At nullum est tempus in quo non possit existere creatura aliqua; cùm omne tempus sit capacitas alicuius durationis creatura iuxta dicta etiam ibidem. Ergo nullum est tempus, in quo non possit Deus existere, & consequenter in quo, dum adest, non existat: quandoquidem per suam essentiam, & non per durationem sibi accessoriam existit, in quoconque tempore existit, ut constat ex dictis.

Decimò denique probanda venit eadem 15 veritas ex munere cause primæ, quod Deus haber. Cùm enim nulla omnino sit pars totius temporis imaginarij vtrinque infiniti, in qua non possit existere creatura aliqua à Deo tanquam à causa primæ dependens in suâ existentiâ, ut ex sape dictis est notum: sitque manifestè impossibile, quod creatura sit dependens à Deo tanquam à causâ in aliquâ temporis mensurâ, & quod Deus non sit existens in eadem mensurâ temporis: eo quod manifestè repugnat, aliquam causam physice agere, nisi in eâ mensurâ temporis, in qua physice existens est. Confititur, nullam esse dicti temporis partem, in qua Deus non possit existere; & consequenter in qua non existat de facto; utpote qui non per accidens sibi accessorium, sed per suam essentiam, atque adeò necessariò, indispensabiliterque existit, in quoconque parte dicti temporis potest existere, ut etiam ex dictis notum est. Per qua omnia satis superque manet diuina æternitas demonstrata, atque adeò existentia Dei in omnibus omnino partibus totius imaginarij temporis vtrinque infinita.

QVÆSTIO II.

Qualiter Deus per suam æternitatem sit præsens omnibus alijs rebus aliquando existentibus. Qualiterque res ipse vicissim præsentes sint æternitati Dei.

S Vpposita imprimitis pro resolutione huius quæstionis tota doctrinâ traditâ disput. 8. de Gg dura-